



09811

七錄齋近集目錄

卷十三

宋紀事論

金滅遼

復燕雲

方臘之亂

宋江附

羣姦之竄

金人入寇

二帝北狩

七錄齋集目錄

卷十三

張邦昌僭逆

高宗嗣統

李綱輔政

宗澤守汴

兩河中原之陷

南遷定都

金人渡江南侵

苗劉之變

平羣盜



金人立劉豫

張浚經畧關陝

吳玠兄弟保蜀

岳飛恢復中原

秦檜害飛附

順昌柘臯之捷

秦檜主和

檜死附

七錄齋集目錄

卷十三

二

七錄齋近集卷十三

婁東 張溥西銘 著

同里 張采受先

閱

金沙 周鍾介生

金滅遼

完顏阿骨打于宋政和四年叛遼。宣和五年卽克遼五京。主延禧出走。說者曰。遼起朔野。兵甲之盛。鼓行窾外。席捲河朔。其地東至于海。西至京山。暨于流沙。北至臚胸河。南至白溝。幅員萬

七錄齋集

卷十三

一

里。歷梁唐晉漢周宋六代。世爲勁敵。阻卜木不姑大國十數。西夏党項吐渾回鶻等強國百數。咸奉臣制。女真卽風俗。鷲勁苦耕善戰。舉事不十年。遂成大業。阿保機以來二百餘年之版宇。倏焉委土。何興之暴也。遼自太祖迄于天祚。國凡九主。其中在位久。享令名者。惟聖宗隆緒。繼以興宗。宗貞道宗。洪基。政令日替。諸部反側。延禧荒暴。末運增慝。亡形著矣。蕭文妃諷諫。而賜之死。晉王敖盧幹有人望。而遣人縊之。蕭奉先

用事而內外解體。耶律余覲叛。而大臣效尤。至今讀易嗟塞上。與丞相來朝二歌。未有不歎遼數之盡者也。女真烏古廼節度治兵。劾里鉢建官統部。盈哥討殺海里。累世強戰。心漸輕遼。阿骨打性尤跋扈。天祚欲行誅戮。奉先止之。後卽借豐阿疎舉兵先發。飽鷹縱颺。欲使復馴。不可得也。混同江之戰。蕭嗣先敗績。奉先復爲掩罪。曲行肆赦。士心益解。遂至黃龍失守。親征喪師。夾山一遁。悔恨何及。石勒奴事元海而擒殺劉

七錄齋集

卷三

二

曜姚萇臣於符堅而親鞭其尸。二虜兇殘。主皆英武。一朝犯順。禍竟滔天。天祚無能。既不敢望符劉而完顏兄弟強盛。左勒右萇。彼爲風雨。此爲朽枯。知莫敵也。北遼耶律淳者。興宗第四孫。雅好文學。燕京無主。張琳等以權立之。亡何病死。耶律大石以太祖八代孫。緣國破敗。建號萬里之外。寡母弱子。更繼迭承。幾九十年。雖各西遼。遼已亡矣。二人才非定難。志鮮勤王。見利則趨。遇險則止。休之拒宋。蕭譽存梁。旣絕而續不

亦難乎

七錄齋集

卷十三

三



復燕雲

圖燕之議。國人皆曰不可。獨童貫王黼納馬植邪說。銳意用兵。竭天下之財。僅獲七空城。禍釁不解。幾亡宋室。其失策無論。或有疑者。山前後十七州。又淪左袵。藝祖太宗。屢爭不得。契丹歟。盡幅員可還。唾手而讓之。金人心弗忍也。然金兵滿萬。勢可亡遼。卽微宋助天祚。忽焉遼窮。曷歸宋。其壑也。設海道無通國使。不出。或受其來。或乘其敝。宋不惟無通金之患。兼有收遼之實。

七錄齋集

卷十三

四

惜乎天子以時人謀反。左今猶痛之。郭藥師憤。蕭后不綱。以涿易來降。張毅傷燕民流離。據平州而歸我。時宋兵威頗挫。弱不振。二將負弩掃境。願班朝列者。畏金人爲鷓獮耳。若政和以來。謀國諸臣。蚤見及此。遼主告哀。撫而存之。使爲藩屏。齊桓公之所以全邢衛也。抑金遼方爭坐觀成敗。縱得燕京。委而去之。必爲我有。唐太宗之所以制突厥也。長守二策。聘弓鍔矢。無出境外。燕雲可復。奈何。徽宗不悟哉。女真最微。大宋

可以復燕雲
而措手謀之
人宋朝可謂
人矣
存遺正四
宋信趙家
不及

之名彼所震也。宋不與通，但乘遼後，金即有逞於遼，未敢遂無宋也。馬植獻議，無端遣使，名爲通金，實有求焉。金先易之矣，童貫出師，敗北負約。張穀歸順，逋逃召兵。金先輕宋而後敢責宋，其責宋者一曰割地，二曰加幣，三曰納叛，使不相通。三責曷至，燕本可圖，而圖者非人，始欲望福，終乃要禍。賊臣開疆，天必不佑。王安石尚無功，况黼貫哉。

七錄齋集

卷十三

五

五字與宋北柱懷金人遠在臺邊似使昇丹商未
能元術何能平也初以結意遂日叔學鴻金打宋

得為私部費新請使此白也

天

方臘之亂

徽宗自崇寧改元。迄於宣和。荒淫怠政。幾二十年。方臘始因民不忍。造亂東南。雖術祖妖媪。左道易亡。洞谷幽深。地非四戰。然禍怨蘊崇。爲日久矣。起事未幾。殘破六州。殭尸流血。殆二百萬。乘太平燕雀之秋。嘯綠林銅馬之惡。颺發勢重。豈小亂哉。帝耽逸樂。上下酣歌。忽聞睦州之變。憂懼擇帥。受兵童貫。賴王淵韓世忠諸將窮谿蕩穴。賊卽掃除。貫竟儼爲功首。加爵太師。封公。楚國獻俘之日。舉朝相賀。不知內侍弄兵。四海塗炭。自此日甚也。帝初理萬幾。尚思法祖。自童貫引用蔡京。進豐豫之說。而國用不恤。開鄩廓之役。而黷武無厭。花石應奉。驛擾江南。朱勔羣奸。海內切齒。臘初作亂。王黼畏禍。匿不上聞。陳遘馳奏。天子動色。罷北伐之議。損御前之徭。紅巾六等。慮不卽滅。而一舉蕩平。帝心益侈。漢武揚廣。惟我爲之。于是圖遼師興。宋亂遂醜。青溪速敗。君子寧敢爲國慶乎。唐玄宗時。安南國叛。

遣楊思勗討平之。綱目致譏。不與寺人之典兵也。宋淳化中。王繼恩破李順。中順欲除宣徽使。太宗曰。此執政之漸也。命與他官。國史頌之神宗。命李憲討鬼章。彭汝礪等極言不可。李舜舉以四郊多壘。責卿大夫。王珪媿不能答。掃除之流。不堪將帥之任。蓋國制也。童貫少出閨門。巧媚善伺。猥以魁幹疎財。父司軍旅。徇睦州之僞捷。啓燕山之顛覆。後卽詔數十罪。斬首南雄。亦曷救萬一哉。

七錄齋集

卷十三

七

羣奸之窟

靖康元年正月。賜李彥死。殺王黼。梁師成。二月。

誅梁方平。七月。竄蔡京。誅童貫。趙良嗣。九月。誅

蔡攸。朱勔。此數凶者。朝夕道君左右。根重難拔。

欽宗不數月。間斬僂無貸。太上二十五年之失。

德。一日而反之。可云非幹蠱哉。然王黼之死。戕

於雍丘民家。諱之曰盜。梁師成縊於八角鎮。以

暴死聞。帝既討賊。何惴惴焉。唐代宗殺李輔國。

非天討乎。不敢顯誅。遣盜入室。竊其首臂。賊臣

七錄齋集

卷三

雖死於刑人于市。則非矣。欽宗受禪。陳東請斬

六賊。使從其言。立肆市朝。天威燁嚴。忠義激發。

敵人聞之。惕於新政。國猶可為。而帝不即斷者。

日。即位之初。難殺大臣也。夫安國家者。謂之大

臣。亡國家者。謂之賊臣。羣小賊耳。尚以大臣故。

遲重不誅。此必中外賊黨為。此說以中帝心。帝

特婦人之仁。優游不察耳。真宗崩。雷允恭移皇

堂於絕地。明懷太后怒。欲誅丁謂。馮拯黨之曰。

帝新立。毋急誅大臣。謂遂得免。六賊之罪大於

有些看抹得
楚桓日堪石

道不在此詳
歸國其素
也德國之

亦三年五
此其此交
年為道桓

寬也

謂其黨亦欲借以逃死。有兔爰爰。寧堪再乎。童貫開邊疆。朱勔禍東南。皆獲緩論。而蔡京罪首。竟保要領。失刑爲甚。時帝有李綱。且數進數罷。任賢貳矣。去邪必疑。公孫鞅所以笑梁王也。

七錄齋集

卷三

九

金人入寇

徽宗宣和之季。用兵燕雲。竭天下之力。僅得七
空城。賊臣王黼童貫蔡攸趙良嗣等。重侯累相。
封賞不貲。君臣舉觴。方慶竒功萬年。遠駕祖考。
未幾張穀啓釁。郭藥師背叛。幹離不粘沒喝長
驅並下。東幸不果。遂謀內禪。窮慾二十餘年。天
人怨怒。不思改德。而欲廣封疆。強如秦隋。長城
高麗。適爲亂階。况積弱之國哉。欽宗爲太子。不
聞敗度。踐祚之日。聲伎不親。靖康初政。能除六

七錄齋集

卷三

十

賊宜若有爲。然朝議築舍和戰。無嘗一人之身。
乍賢乍佞。誤國喪師。其失不可勝道也。金寇渡
河。帝詔親征。上皇行而天子守計已定矣。白時
中李邦彥等忽倡出幸之謀。李綱以死爭。始決
備禦。亡何而和議紛起。親王出質。种師道宿將
老謀棄置不用。姚平仲斫營敗走。金人來責。欲
罷綱以謝之。諸生伏闕。變幸少止。復割三鎮地
以畀金。求其退師。寇在門庭。謀無一斷。兩月之
間。紛更萬狀。狐裘蒙戎。所必亡也。京師解嚴。防

守盡撤。勤王兵集而散之。使之去。講和無益。而求成不已。吳敏等留虜使劫遼人。蠟書事洩。爲敵藉口。二酋席捲。敗降相繼。二鎮之棄守未決。四方之援兵不應。李綱罷。師道死。而妖人郭京。直握兵柄。徒爲敵笑。爾原欽宗之意。未嘗不幹蠱。而其病在於畏敵。原諸臣之意。未嘗不畏敵。而其病在於忌賢。六賊雖去。李邦彥。唐恪。耿南仲。等尚在。猶六賊也。始而謀幸。旣而謀和。小人之術盡矣。李綱用而主守。种師道入而主戰。二者

七錄齋集

卷三

十一

國家之福。非小人之利也。賊臣同心。不急退敵。而急退綱。元年二月。罷綱命下。陳東等上書請留軍民數萬。搥鼓喧呼。唾邦彥。殺內寺。義出衆憤。而賊臣卽借以中綱。欲致太學諸生於獄。帝亦遂疑綱。弗察也。外而不內。以奪其權。召而卽罷。以困其身。建昌安置。若有隱憾焉。高宗卽位。李綱入相。爲奸所排。陳東。歐陽淑。上書。黃潛善。汪伯彥。害之。遽斬東市。亦以鼓衆。間綱。而帝惑不解也。國家大亂。所恃者大臣。大臣所恃者人。

心而綱獨以人心之歸開一主之怒宋事所以卒莫救也

此何时也內托羅子綱去行通嘉年伊教陳去至何
多生法國者止苦歷多法何年亦初名伊子
邦危唐協寺一影托托於政解國見心而歸國之
無三七白矣

七錄齋集

卷十三

十一



二帝北狩

西晉之亂成於惠帝懷愍繼之國亡身弑至今望平陽之塵憤劉聰之逆青衣戎服三歎隕涕不意幾百年後又見之宋徽欽也然懷之繼惠亡以六年愍之繼懷亡以四年欽繼徽直一年耳盡室北遷敷天同辱亡尤暴焉懷愍之世劉石虓橫大勢不支鼂墜鯨吞顛趾僵仆天實爲之若徽禪欽立時非無可爲者也靖康之冬金人渡河陷西京詔馮澥李若水使金軍請和旣

七錄齋集

卷三

十三

而兩河盡割宗室徃盟京城陷天子降前者之失筭無論卽以此日言金陷河東於元年之十一月劫二帝於二年之二月盤桓大梁四越月而後發度其初未必遽欲挾帝而北也先質大臣次質親王甚而則臣天子先棄三鎮次割兩河甚而則括京師虜欲何厭求而必應則饗饜焉帝初至金營金人尚無意留之誤於何杲再

有得有失
其四越月而
不加一矢南
本偶無人言
三可勝憤恨

徃而執金人固曰非我取之彼自來耳磁人殺王雲絳人殺聶昌陳過庭諭降兩河皆不奉詔

國○勢○雖○危○人○猶○思○宋○使○欽○宗○仰○觀○帝○座○車○駕○勿○
出○康○王○激○於○宗○澤○師○不○左○次○外○則○勤○王○四○集○內○
則○好○言○謝○虜○飽○愆○而○颺○未○可○知○也○援○絕○財○窮○輕○
身○履○虎○金○不○滅○宋○帝○先○自○滅○始○墮○青○城○終○隕○五○
國○高○宗○紹○興○七○年○九○月○而○聞○道○君○崩○三○十○一○年○
五○月○而○聞○淵○聖○崩○流○離○異○域○父○處○益○傷○又○不○如○
晉○代○永○嘉○建○興○二○主○速○朽○爲○愈○矣○

世祖取之彼公也宋至宗城宋不先之滅久
渣後祀石為道元法軍時書取炮立為井海

七錄齋集

卷三

十四

後解

張邦昌僭逆

張邦昌居徽宗朝。頗乏諫論。惟乞取崇寧大觀。瑞應。增製旗物。求媚人主。金人入寇。附主和議。靖康初。進位太宰。未幾與李稅同罷。衆謂其私於敵也。二帝北狩。金立異姓。宋齊愈。王時雍等。揣摩勸進。立爲楚帝。邦昌本無能。何金人暱之。度彼僭康王。往質時和柔。謹媚虜所易也。賊臣逆探其心。往來附和。南朝帝位。輕如鴻毛。則姑與置君耳。金師旣退。呂好問馬伸。抗論利害。趙

七錄齋集

卷三

十五

子崧移書反正。邦昌知人心不附。奉迎康王。南京定鼎。僞命罪彰。潭州之死。或云可恕。然華國半臂。僭辱宮闈。宣贊義兵。忠感風日。金營赭袍。無故帝之心。元祐冊文。用柴后之禮。南面觀望。大逆何辭。好問濡跡存趙。猶蒙賢責。罷知宣州。寧論邦昌。茂康王構建府元帥。不急國難。今年次東平。明年次濟州。忍視北遷。邀取大位。其無人心。與邦昌何殊。宜卽位以後。姑息行貸。不樂其速死也。

高宗嗣統

徽宗三十一子。最賢者無若第十八子信王。榛最不肖者無若第十五子沂王。樛靖康之難。榛匿真定境上。馬廣趙邦傑奉以爲主。兩河遺民聞風響應。榛奏書高宗行在。願總大軍。與諸砦鄉兵。克日討賊。黃潛善汪伯彥沮之。遂自亡也。樛從駕北方。與劉彥文告上皇左右。謀變禍幾不測。上皇詞直。金人誅樛。凡人不相及。如二王者。抑何遠也。康王構徽宗第九子。史言其生東

七錄齋集

卷三

十六

京大內。赤光炤室。又云朗悟疆記。日誦書千餘言。挽弓石五斗。帝王之姿。或有天命。然觀其出使金軍。應對無聞。爲虜所輕。承詔開府。逍遙自全。京城坐陷。以彼庸才。豈但中人以下乎。景王杞盡孝。上皇北行。頭白鄆王。楷等流離異域。死生失所。此卽不能倡義復讐。立功函夏。猶獲追隨父兄。蒙塵相守。構獨擁兵。居外乘危。履尊跡。雖順于靈武心。猶逆於安東。其無臣子禮寧異沂王哉。金營再遣。宗澤固留。民殺王雲。大位有

此書可
與古

屬假令信王當之統金石之旅任忠義之臣馳驅大河中原可復而康王先立束手何爲天欲宋室偏安非人力也

七錄齋集

卷三

十七

李綱輔政

此史于宋有
非程明道
趙構多預
下里不訪

予讀宋史至紹興十年觀文殿大學士隴西李綱薨廢書而泣曰王之不明孰有如高宗構者乎綱在政和宣和間屢發讜言被遷謫金人入寇上策禦戎決內禪議為欽宗所知靖康元年數月間旋用旋罷卒至汴京不守二帝北行凡綱議論設張忠誠勇毅從則存違則亡非構親見聞者哉既即大位守召入相十事論奏頗見收納僅七十七日而罷則何為也綱于靖康排

七錄齋集

卷五

七

和議而主戰守于建炎誅僞命而諫南遷其言最質非好高論而賊臣闇主動色相戒狐疑不決必去之後已此必有深累其心者矣黃潛善汪伯彥二三小人日夜求和為構言熙陵九葉上皇三十二子僅存陛下又未有儲貳奈何輕自蹉跌聽其言惓惓小忠抑何似兒婦人也古來不肖之君言宗廟社稷則震而若遺言妻子四體則戀而不割趙構徼時竊帝偏安自足涉淵履虎惟恐身為金俘二聖中原豈所亟哉潛

宋史九
傳四

善形乃論地
三行破

說得才得構
魂有和世不能
一刻可于象

善等牽衣執手。囁耳語以婦寺之說。中愚柔
之心。構方德其愛我。而綱必欲強之。經營西北
有進無退。宜其萬說而萬不當也。淵聖初年。金
人責盟李邦彥。請罷綱以謝之。及構召綱。顏岐
范宗尹等猶祖是說。齟齬其來。未齊愈佐張邦
昌僭位。大逆當誅。而張浚賢者。反以此罪綱。國
是不明。害成者衆。迨陳東歐陽澈刑東市。許翰
著哀辭。而構遂明與綱讐矣。建延三年。粘沒喝
至。構遽南奔。詔錄邦昌親屬。而綱獨不赦。紹興

七錄齋集

卷三

十九

二年。宣撫湖廣。蕩平羣盜。未幾。為呂頤浩徐俯
劉斐所劾。罷終綱之身。名聞燕山。道窮南渡。彼
趙構者。見逼金虜。如越如溫。在明在杭。居海舟
泊港口。流離殆死。營營青蠅。不一悟也。唐德宗
於陸贄用之。艱難之日。棄之無事之時。後世譏
其極。愚構於李綱。則尤甚焉。德宗猶念母而趙
構忍忘父也。

相李綱相後相趙鼎相宗寧一也

贊聖難定和洋信王為國勢各意及今日進退難去區
世志明日將劉錫又持此說二吳地之四川張俊日無全敵
即不能移去月內及中原為合立測黃沙相起慶哭身其其快松

宗澤守汴

高宗構之奉帝命往金軍也。汪伯彥以帛書請蒞相州。橐鞬郊迎。握手慰勞。君之知臣。固謂其能出我於險也。然金人要構議和時。構繇滑濬至磁。王雲與俱。將蹈虎口。宗澤叩馬力諫。得免北行。生我之德。大於伯彥。構何不念也。伯彥以人言去國。建延九年。知宣州。過闕。構語秦檜。追懷舊寮。有漢高。豐沛。光武。南陽之思。獨置澤若讐。好所惡而惡所好。寧人情乎。伯彥當靖康改

七錄齋集

卷三

三

元。猶獻河北邊防十策。黃潛善事徽宗。尤闕冗無聞。陝西地震。察訪失職。見譏朝論。構忽拜爲副帥。召入中書。與伯彥同處肘腋。左周右。召親厚。無比。遂使澤志不申。疽發身死。抱武侯之忠。嬰亞夫之疾。澤則已矣。構之不才。何以對劉禪也。澤少豪儻。有大畧。登元祐六年進士。廷對昌

言。考官惡直。累試郡邑。國爾忘家。旣聞女真海上之盟。卽退居東陽。結廬山谷。管樂命世。出處不苟。靖康難起。願使北庭。兩河敵衝。單騎經理。

石比類劉禪
托物此構
類于地下

及入援都城。謀邀二帝。請誅僞命。力守汴京。累
章還駕。克日渡河。智勇冠文武。忠義動天地。而
二賊爲梗。大事不成。計澤通籍以來。更事三主。
功名不達。得時奮節。惟在高宗。廼三十年而淪
滯。空老不二載。而憂憤喪軀。生發雷電之光。沒
洒祁山之淚。英雄失路。孰有甚於宗忠簡者哉。
構性無良。幾同夷虜。金人所愛。構亦愛之。金人
所讐。構亦讐之。旣悅汪伯彥。黃潛善。則必相秦
檜。旣怒李綱。宗澤。則必殺岳飛。詩云有覲面目。
視人罔極。構則吾不知其極矣。

七錄齋集

卷三

宋澤不陳構。五矢一去。及身不死。春恨。明堂。不存。
人何如。留之行。宋史。藝祖之後。乃有人。更。立。價。立。由。
流。痛。笑。線。不。何。也。構。坊。構。危。人。記。

兩河中原之陷

欽宗靖康二年之五月。康王構卽位于南京。改元建炎。首拜黃潛善爲中書侍郎。汪伯彥同知樞密院事。識者危之。曰。此剝道也。然李綱內相。宗澤外將。河北置招撫。河東置經制。立帥府。討羣盜。張所傅亮等克任其職。兩三月間。國幸無警。少康造夏。其斯時乎。乃李綱一罷。帝卽流播。元年十二月失西京。二年十二月失北京。三年九月失南京。四年二月失東京。其間郡邑破亡。

七錄齋集

卷三

二十一

叛盜紛作。六宮車駕。絡繹道路。求爲匹夫。幾不可得。則何爲也。欽宗之如青城也。粘沒喝邀之。范瓊等迫之。猶曰。命懸金虜。不敢自繇。康王爲帝。其時可以立矣。張邦昌旣逐。國無僞帝之疑。幹離不復死。敵有漸殺之勢。綱行十事。務合人心。澤又洒掃舊京。引領車駕。自應天達開封。通邑大都。惟我馳驅。而徘徊不行。逐綱致亂。自作之孽。不可活也。綱在靖康間。用間舍。雖未大任。尚留數月。建延登朝。僅七十餘日。爾傅亮經

趙桓死去
身死強迫
九直酒所
記學矣

方始而責其無成。宋齊愈大逆。當誅而罪以私。
意事莫急于招兵買馬。而指爲失策。政莫大于
定都用人。而斥爲狂言。綱輔罷竄。諸賢盡空。左
右謀國。惟有汪黃。金寇四至。欲奔無所。內侍進
痛哭之談。三軍發斷頭之憤。帝終不悟。而心暈
之十世山河。必不復矣。史言徽宗失國。愚非晉
惠暴非孫皓。篡奪非曹丕。司馬炎獨不幸。而有
子厄。一敗于欽宗。而明皇絕西內之望。再敗于
高宗。而愍帝蹈平陽之轍。神龍繼父。則夫婦義
喪。建廷繼兄。則父子道亡。固可同類而並笑也。

七錄齋集

卷三

南遷定都

虜已遷北
而平其以存
也望乃而不
顧有者其
能言之代紅

征去東南
水月部之地
且與國之
形勢人三
言而後聽
乃聞自至
散步而難
子危也

高宗構之南渡。法晉元也。然瑯琊建號。適遣五胡。長安既陷。中原分割。擇地建康。誠非得已。靖康初年。金劫二帝。卽捲旆北還。大宋土地棄而不有。趙氏子孫。可自取之。反奔走東南。拱手讓虜。何無策也。金陵天險。孫吳舊都。東晉建邦。王氣方盛。陶侃擁三州之旅。而郢外安王導爲分陝之計。而江東立史書美焉。錢塘當三吳一隅。錢鏐襲王。不能獨立。嘗朝北方。陳亮以爲地下。

七錄齋集

卷三

二十四

西湖其城可灌而苟且圖存。謬云建鼎非所以樹不拔。表四方也。構初在道。宗澤勸其決趨應天。遂卽大位。旣而張邦昌入朝。汴京虛席。澤累表請還帝不省。而反幸揚州。忠臣望君欲其自南而北。暗君自棄。反自北而南。柄鑿甚矣。天子東走。中原盡失。不得已而如鎮江。如平江。如越州。如明州。如溫台。航海避兵。感感靡騁。廼擇臨安而止。曰此固中道。我所宅也。抑思帝果還汴。兩河股肱。陳師鞠旅。顧盼興復。卽建康襄鄧尚。

構不能自有
其能而和太
有之也此夫
言有在理
味手而生
人力也此至

屬下流。何有於錢塘之偏。方霸國之餘氣哉。構
惟都杭而後。以京洛委金。金惟徙汴而後。以西
北委元。元起漠北。一舉取燕遼。再舉取河朔。又
再舉滅西夏。因而掇秦雍。傾汴蔡。穿巴蜀。繞大
理。始專攻宋。陷襄陽。破江淮。入臨安。而混一遂
成。李綱宗澤。揣摩形勢。當日若豫見之。而構貪
小安。愚懷坐削。質本豚犢。責以龍虎。宜弗任也。
咸淳德祐之禍。事雖發於理宗。其實成於趙構。
構且有亡宋之罪惡。敢與瑯琊王睿並齒中興

七錄齋集

卷三

哉

金人渡江南侵

高宗構之棄汴京建康而都臨安也。利與敵遠。苟幸偏安。乃金人日夜感之。越明溫台之間。奔走不給。大海遇敵。幾覆膠舟。周平晉元。不若是顛沛也。爲帝策者曰。駐驛之地。勁虜幸焉。且戰且避。急而航海。可以濟難。若然。帝幸汴。則汴病。幸蜀。則蜀病。幸金陵。則金陵病。幸武昌。長沙。則武昌。長沙。病。六合。雖廣。一身莫容。帝遂無死所乎。及觀建炎間韓世忠江中之戰。岳飛廣德新

七錄齋集

卷三

三六

城之捷。兀術狼戾。不敢窺江。益痛構謀。不臧。自貽伊戚也。李綱罷。而黃潛善汪伯彥相。則帝無腹心。宗澤卒。而杜充用。則帝無股肱人。未有腹心股肱。旣潰。而四體保無僵仆者也。劉豫專任濟南。而叛附撻懶。苗傅劉正彥統制扈從。而稱亂行宮。杜充總闡江浙。而迎降兀術。二三主臣。盡起反戈。時帝所錮者。李綱所殺者。陳東歐陽澈。所錄用者。張邦昌親屬也。天下皆知帝獎逆賊而惡忠義。其誰不亂。金人乘銳邀敵。欲生縛

兩宮知天子在臨安則有滁和入江東之師知
隆祐太后在洪州則有蘄黃入江西之師連歲
流離四京盡沒構卽卑詞祈請奉朔稱臣無如
粘沒罕劉豫諸賊不肯爲夫差之赦句踐楚莊
之哀鄭伯何也劉光世逍遙棄師清人所刺使
當時將帥盡與等夷構欲自比大金龜茲不可
得矣

七錄齋集

卷三

二十七

苗劉之變

苗傅上黨宿將。高宗構建元帥府時。卽隸麾下。劉正彥繇王淵進官。用劉晏計平賊。丁進兩人卽非大將材。兵事所素習也。建炎三年。構從淵議幸杭。內侍撓權。淵驟貴顯。傅等積不能平。結衆作亂。赤心軍起。黃卷謀洩。使淵先事知戒。或免潰裂。而寡備殞軀。兵犯宮闕。康履腰斬。睿聖避位。以沙中之小憤成廢君之大逆。賊徒初心度未及此。因變激極。則挺甲晉陽。爾朱勝非于

七錄齋集

卷三

二十八

靖康朝。權守應天。遇敵逃逸。後議蹕南京。逢主命相。特進五官。其人委蛇類無奇節。而浮沉陰陽。倖不爲賊忌。得以獨對太后。密結燕人。勤王旣至。乘便遊說。帝位復安。夫苗劉二兇。勇非萬夫。智無成畫。臨以大兵。必鳥獸竄。所慮者騎虎交抗。奸人憑危。萬一殺構以絕人望。國無長君。隆祐太后。雖賢抱三歲兒。孤立賊中。臨安鼎沸。大事去矣。勝非參擾賊鋒。使無害帝。遣梁夫人迎韓世忠。而諸將鼓行。率百官朝睿聖。而乘輿

反○正○北○闕○師○來○賊○乃○夜○遁○當○日○羣○臣○協○力○大○功○
有○三○殲○渠○魁○者○韓○世○忠○集○義○兵○者○張○浚○呂○頤○浩○
保○聖○躬○者○朱○勝○非○也○若○趙○構○倚○任○汪○黃○身○同○亡○
虜○股○肱○無○鷹○揚○之○佐○衛○從○皆○跋○扈○之○臣○危○如○累○
卵○猶○仗○中○官○得○罪○祖○宗○天○命○自○絕○苗○劉○樓○下○之○
言○未○嘗○不○深○中○主○慝○幽○厲○無○道○豈○爲○申○戎○未○滅○
哉○

平羣盜

徽宗在位日久。荒樂釀亂。至宣和二年。而方臘陷睦歙杭州。三年。而宋江掠京東諸郡。魚爛鳥駭。勢幾蝸蟻。然六師張皇。清蕩立奏。禍猶未烈也。末年寇擾山東河北。數萬成羣。高宗卽位。徒黨蜂結。累歲不解。其間雖張遇降於王淵。丁進。楊進降於宗澤。郭仲威降於周望。戚方降於張浚。獸聚望風。間能革面。亦數服數叛。迄無寧時。迨岳飛用而賊始殺矣。洪州之戰。馬進授首。江

七錄齋集

卷三

三

淮之役。張用袒迎。李成敗而襄漢平。楊么破而荆湖靖。以至走曹成。擒彭友。盡天下之賊。莫有與飛鬪者也。或謂晉之十六國。劉石之餘。唐之藩鎮。安史之餘。宋當靖康。建炎間。金虜蹂躪中原。淪沒有大盜起。乘虛畫疆。建青社。長子孫。其誰問之。徒挺戈野集。自同狗鼠。何無能也。然永嘉之亂。匈奴左部帥劉淵結五部。據離石。紹劉而爲漢。後九年。石勒以上黨武鄉。起羣盜。據襄國。而爲趙。後冉閔因石氏據鄴。爲後趙。慕容

虜以棘城鮮卑起勤王爲燕符洪以洛陽氏有
關內爲秦而涼以晉官成以晉民各有國裂土
其後秦分二燕分四涼分五凡爲戰國者一百
三十六年唐則魏博傳五世至田弘正入朝十
年復亂更四姓傳十世有州七成德更二姓傳
五世至王承元入朝明年王庭湊反傳六世有
州四盧龍更三姓傳五世至劉總入朝六月朱
克融反傳十二世有州九邵青傳五世而滅有
州十二滄景傳三世至程權入朝十六年而李

七錄齋集

卷三

三十一

全畧有之至其子同捷而滅有州四宣武傳四
世而滅有州四彰義傳三世而滅有州三澤潞
傳三世而滅有州五其爲亂也或據中國以自
強或借天子以自大篡逆生於境內而家人猶
世守爵命取於天朝而威福仍已出共主贅旒
則遷鼎無罪羈縻勿絕則九伐不加盜賊帝王
各因勢便趙宋羣寇非其倫也饑亂相煽村塢
剽發潰兵梗卒復因隙蹈瑕烏合衝突志不大
于元海衆不猛于漁陽據城走胡謀無先定中

國大將建鼓而出以次掃除卽就殄耳劉豫一
假朝命捲土入金虜人用之畀地稱帝令其南
牧宋遂受敵資其勢而與以各朝廷之權反制
於逆賊矣小盜貴恩大盜貴威強者弱之合者
離之得其術則盜皆兵失其術則兵皆盜非岳
飛韓世忠師貞莫仗也

七錄齋集

卷十三

三十一

金人立劉豫

劉豫杜充皆進士登第爲國守臣叛降金人蒙面無忌不過欲爲張邦昌耳充至雲中粘罕薄之。父乃命知相州猜阻同列後爲胡景山所誣下吏炮掠豫賂撻懶立爲齊帝僭號八年金主惡其喪師令兀术入汴囚諸金明池立行廢徙二賊奄奄同葬蠻夷中未云得意也豫少無行嘗盜同舍生白金玉紗衣言者擊之徽宗亦笑其河北種田曳不足比數金師南下卽棄官避

七錄齋集

卷三

三十三

亂儀真有何殊能而張慤薦拔授以山東劇郡生其叛逆昔漢文帝與匈奴和親使宦者中行說傅翁主說不欲行漢強使之說曰必我也爲漢患者旣至因降單于教其桀驁侵擾無已時劉豫慮山東多盜不欲往濟南請易東南一郡執政不許豫忿曰行必爲禍旣敗金圍果殺關勝縋城納款彼先有逆志而假以鐔柄是導之亂也豫降金兩年位僅牧守撻懶納其重寶言於粘罕高慶裔張浹復爲遊說始冊尊位都大

各既以叛。往又以貨取。其謀帝也。視邦昌加勞矣。紹興七年。金高慶裔誅。粘罕憂死。豫失內援。遂徙臨潢。北面虜主。予奪唯命。其何敢怨。豫初帝時。劉長孺勸反正。邢希載請通宋。誅囚不顧。金盡畀以中原。連兵入寇。盜如李成。劉忠等。敗則奔豫。將如孔彥舟。徐文等。敗則降豫。逆賊建瓴。逋逃。趨壑藕塘。大敗金。始知其無能也。邦昌之僭。金人欲之。而邦昌因之。豫之僭。豫欲之。而金人因之。然金人立邦昌。則去汴立劉豫。又聽

七錄齋集

卷三

徒汴。汴豈金人敢有乎。亦曰中國帝都。使中國人守之。犄角病宋。斯可矣。迨賊檜主和。而後汴果入金也。高宗聞豫叛。厚撫其黨。各為大齊。冀稍紓難。而分寇益急。趙鼎力贊親征。下詔暴罪。即諸道兵合。金齊敗北。討賊攘夷。有進無退。其明效也。劉豫既廢。汴虛無人。岳飛韓世忠請乘機恢復。又置不問。李斯曰。胥人者。去其幾也。構之不明。豈特胥人而已乎。

汴豈金人敢有乎亦曰中國帝都使中國人守之犄角病宋斯可矣迨賊檜主和而後汴果入金也高宗聞豫叛厚撫其黨各為大齊冀稍紓難而分寇益急趙鼎力贊親征下詔暴罪即諸道兵合金齊敗北討賊攘夷有進無退其明效也劉豫既廢汴虛無人岳飛韓世忠請乘機恢復又置不問李斯曰胥人者去其幾也構之不明豈特胥人而已乎

此等詞語自有其妙二則三也則集于可也四五六

張浚經畧關陝

不少外素干
檢多研其何至
兩渠其何難可
七李月報之

張浚于建炎三年治兵興元圖復中夏四年而
卽有富平之敗經營歲餘兵食未厚輕鬪喪師
甚非策也曲端雅長將畧剛愎陵上奪王庶使
印盤桓涇源迹近跋扈飛文日騰浚務攬豪傑
百口保之拔爲大將端有人心宜爲知己者死
婁室深入端議持重與浚不合安置萬安富平
敗績浚追思用端又信吳玠王庶之譏殺于恭
州一人之身忽賢忽佞始堅信而終讒死刑罰

七錄齋集

卷三

三五

失平浚豈無罪然觀其中興初議彼志固無日
不在王室也苗劉亂定帝位新復浚請任陝蜀
勵師待駕赴軍之日誅賊臣范瓊始發建康忠
義賈天枕戈待旦慷慨四顧豈讓劉琨祖逖哉
呂頤浩背扈蹕武昌之議勸都臨安金寇奄至
六飛播竄聲勢不接浚志益銳積粟練兵事稍
辦集卽合五路之師紛紜一戰彼蓋積憤腥羶
急欲求勝曲端老謀疑爲退縮棄不問也富平
旣敗退守興閬猶任劉子羽吳玠吳璘等力拒

如此有以爲
國力得與
用人此區
能信乎

金人紹興年間和尚原仙人關師屢告捷成功
可見而讒疾內作罷居福州悠悠多口關陝是
責獨不念澠池奮翼功著全蜀乎昔馬謖敗于
街亭不病孔明三分之烈任福敗于好水川無
害韓琦西夏之勞論人者舉其重不舉其細也
浚在炎興卽不能追踪二臣而君子原之曰斯
人也志大于才功浮于過闇主當陽賊相接踵
有一浚而復獄以富平之役則下無勸矣且端
死非辜浚固無辭責至潰軍如趙哲而謂之濫

七錄齋集

卷三

三十六

殺才畧如劉子羽理財如趙開善戰如吳玠謂
之失任諸人太甚又何以服浚乎

水浸不宜不急以爲其急則物之虞至其志行乎
覺六日拜母正德懷不彰身使有常皆居而無
見其低後正事夫

吳玠兄弟保蜀

有少叔瑋
瑋相

張浚始劾李綱晚郤趙鼎信王庶而曲端死用
呂祉而酈瓊叛開誠善任疑非所長而世稱知
人者以保蜀功高能得吳玠兄弟力也玠善騎
射有志節弟璘從戰累立功劉子羽誦其材勇
浚始委以兵政富平之役玠議據高阜無輕動
浚不從而敗關陝盡失人無固志玠璘收合散
亡誓師堅守一捷于和尚原再捷于仙人關蜀
中無恙數年以來屯田養兵西人再造厥功偉
七錄齋集 卷三十一 三七七

矣玠亡之後虜復決逞璘大敗之扶風自是蜀
不被兵者二十餘年迨金亮入寇黃牛告警璘
奮義出師商虢河源德順環州次第收復而班
師命下三軍十三州復爲敵有蓋紹興十年之
戰主割和尚原者秦檜也三十二年之戰主棄
三路者史浩也卽璘一身厄於權臣者數矣李
牧撮臂之悲道濟投憤之恨生逢趙構所見皆
然寧特武穆片紙痛填天地哉劉子羽協力守
險轉敗爲勝胡世將文臣專閫不改成規立志

公忠庶幾張浚故玠璘樂與同功也

得玠璘之用而失炳汾曲非玠璘之賢是謂玠璘
相車而服玠璘過也

七錄齋集

卷三

三八

岳飛恢復中原

蜀漢之諸葛亮。唐之郭子儀。宋之岳飛。三人皆
間世而一出者也。亮志慕管樂。學問過之。君臣
誼深。三分遂定。後主闇弱。委任無改。子儀廓清
兩京。再造唐室。遭逢肅代。厄于宦豎。幾危而安。
飛平羣盜。破僞齊。累敗金虜。唾手中原。而賊檜
內間。片紙獄死。三人齊烈。名在呂望。姬旦之間。
而飛獨不幸。傷哉。杜郵爲飛謀者曰。郾城之戰。
兀木窮哭。復河南。修諸陵。功見旦夕。班師之詔。
七錄齋集

卷三

三九

少緩無應。駐師汴京。請帝臨幸。然後還。二聖取
燕雲爲宋定鼎。檜卽妬飛。欲責以專擅。其何之
辭。然飛大將。固儒者也。晉獻公欲殺申生。或曰
子其行乎。申生不從。自縊析城。屈原折吟澤畔。
漁父諷以隨流揚波。原悲而作懷沙之賦。竟投
汨羅。兩賢非不知委蛇。可以免難。而守死不移。
者。以爲爲人子。爲人臣。道當如是也。飛性忠孝。
讀書好禮。子雲數立竒功。朝命每及。懇辭再三。
與張浚議不合。卽上章解兵柄。步歸廬墓。行卽

反爲讐非讐飛也直讐親爾秦檜逆構構逆一
聖兩逆比而飛死痛哉

天分死心能趙宋忠公豈指此爲天乎又疑
命汴宋未必可安此豈然去辭誠政碩甚宜何
有出叙何未稍桓初也事水務之日兵初全別
陸師一但示動直持衡表方於逆事何及反字
天守天乎候影何宜知後日陸軍之形亦一
有大機與亡者豈壽生後亦在傳云

七錄齋集

卷十三

四十一

順昌柘臯之捷

南渡名將。張俊韓世忠劉錡岳飛並稱。俊起羣盜。著名勤王。旣而附秦檜。忌錡殺飛。爲宋罪人。戰功雖多。卑不足道。錡號善射。官隴右都護。名震夏人。張浚竒其才。使經畧涇原。然富平之潰。敗北同貶。後掌八字軍。亦未有赫赫功也。紹興十年。金人分道入寇。陷河南陝西州郡。吳璘捷于扶風。而撒離喝走鳳翔。劉錡捷于順昌。而兀朮走汴。于是錡威名讐夷夏。與韓岳等矣。說者

七錄齋集

卷十三

四十二

謂韓信造漢宮。先泚上。周瑜霸吳。氣凌赤壁。順昌之役。出奇制勝。追蹤二者。繇義存急。難志誓必死。故能以逸待勞。以寡擊衆也。然十年六月捷順昌。十一年二月捷柘臯。不數月間。錡兩立大功。克復中原。事在旦暮。竟爲賊檜所敗。志士痛焉。虜寇大入。檜陰爲主。一年之內。扶風順昌。京西涇州。以至郟城。朱仙鎮諸戰。金無不敢。社稷之慶。賊檜之憂也。講和議。決計出班師。飛且不容。何有于錡。尤可異者。宋將方遶虜。卽狎至。

反不如執之存日
名年七老先文

屠宿州陷慶陽陷壽春入廬州陷商州皆在韓
世忠諸大帥罷兵之日要盟無信明効見矣而
趙構不悟倚檜腹心今日罷錡明日罷飛快敵
人之憤隕先帝之業桀紂忘身未有愚于此者
也錡慷慨沉毅忠義憂國頗類岳飛猥櫻檜忌
廢處散地二十餘年卽無夜半片紙填尸牢獄
而老將杜門清涼同慨賊臣害正非殺之卽錮
之國命安得不墜乎

馮陵移辰形極望上美則黃之已表魂方招班仲

七錄齋集

卷三

雲押玉柱亦保保危無個
孫汝持杆先玉多驕
珍那匣中書通通
孫汝持杆先玉多驕

洗明堂

秦檜主和

賊檜以建炎四年冬十月自金還。紹興元年春二月。叅知政事。倉皇北來。不半載而登政府。入相。未有易焉者也。既與呂頤浩交構。罷位。榜罪朝堂。進用之路塞矣。久之。張浚薦復官。遂專相。十八年。封王身死。享年六十有六。以王安石之得君。兼蔡京之久任。和議成而國是亂。遂爲賊臣首。或曰汪伯彥未第時。授館於王氏。檜嘗從之學。後日主和。卽伯彥志也。或曰金主吳乞買。

七錄齋集

卷三

四十四

以檜夫婦賜撻懶。見任用。黏罕寇淮上。檜爲草檄。室撻所親見。其歸。蓋金謀也。檜固國賊。狙逆。無論高宗構亦人主也。忘讐委身。寵終無貳。獨何心哉。苗傅劉正彥之亂。帝諭歸營。傅等曰。陛下不當卽大位。將來淵聖歸。將何以處之。韋太后南旋。淵聖卧車前。往願得太乙宮使。太后與誓而別。及居慈寧宮。遂不敢言。帝之忌兒而不欲其歸。其本心也。而性復畏敵。檜揣而持之。相得益深。紹興之初。道君未崩。帝卽求和。檜說之。

大丞相賜千
右丞相而後
死

皆時有言
以爲運法
致

始若在左
終則於大
奸自少而
正形露移

川子以回
之叔柄可
不保力免
也

曰脫引日不和上皇與宣和皇后不能待此終
天恨也紹興六年聞上皇喪檜又曰今所存者
獨淵聖可以和矣始歆帝以愛親之名而使之
不忍不和終教帝以拒兄之實而使之不得不
和帝遂以檜爲知我厚我羣臣莫及也辱莫大
於事虜而自稱爲孝害莫重於割地而反號曰
仁至於殺岳飛而人道絕矣靖康時金人攻汴
求三鎮檜上兵機四事力闢和議張邦昌之立
同馬伸進狀乞存趙氏當日天下皆賢檜而不

七錄齋集

卷三十一

知異日所爲甚於邦昌劉豫也游酢大儒而目
檜以句或胡安國說春秋而薦檜於羣賢紹興
二年之逐臺省正士坐檜黨落職者二十餘人
張浚趙鼎並墮術中悔無及也假令王莽死于
建平謙恭流譽秦檜死於靖康忠直著聲豈非
兩賢士大夫乎天顧優以年而稔其惡此固凶
人之分必極而大奸之醜必露也檜與頥浩同
事則傾頥浩與浚鼎同事則傾浚鼎飛死以後
殺機日動趙汾之獄浚等五十三人皆坐大獄

後魏于清
勳之序
二書之序

以病不能書而止。度檜初年。陰鷲樂禍。豈遂至此。而人老勢盈。騎虎莫制。繇其下達然乎。帝構初竒檜。繼惡檜。後愛檜。晚復畏檜。厥念不恒。而同歸不肖。漢靈帝父張讓。而母趙忠。難以常情論也。

七錄齋近集卷之十三

09811

